



UNIVERSITÄTS-
BIBLIOTHEK
PADERBORN

Universitätsbibliothek Paderborn

Controversiarvm Omnivm Hvivs Ævi Lvthero-Calvinisticarvm Libri Tres

Coppenstein, Johann Andreas

Mogvntiæ, 1627

II. An, & quo iure succedat Episcopus Romanus Petro in Pontificatu.

urn:nbn:de:hbz:466:1-35233

Quocirca hoc in errore sunt αὐτοόνοιο
hæresiarchæ; neque vsquam alicunde o-
riginem ducunt, nisi ex patre diabolo.

Nam ita doctissimus Serarius: *Luthe-
rus Satana Discipulus est: Calvinus Lutheri:
Ergo & Satana.*

Verum manet illud Christi oraculum:
Mat. 16. *Portæ inferi non præualebunt aduer-
sus Petram eam.*

Voluerunt quidem Luthero-calui-
nista; sed non valuerunt; minus præua-
lere quibunt hac in re & impietate, pri-
mogeniti Satana.

Attentarunt tamen nefas istud; vt eo
velut posito fundamento, in Romanam
sedem Apostolicam furentius debacha-
rentur. Et huius furoris autores habue-
runt hæresiarchas iam olim orbis adeo
totius iudicio condemnatos.

I. DE PAPATV RO- MANO.

QVÆSTIO I.

*An B. Petrus Roma vixerit Episcopusque sit
ibidem mortuus?*

HÆRESIARCH. *Guilhelmus*, Ioannis VVicleffi
præceptor, teste Tho. VVal. l. 2. *doct. fidei*, a. 1. c. 7.
primus finxit Petrum nunquam vidisse Romam, mi-
nus ibi sedisse Episcopum, aut vitam obiisse. Is autem
Guilhelmus vixit sub annum 1400.

LYTHERANI, vt *Vdal. Velenus* grandi volumine
XVIII. persuasionibus id docere conatur; & nec Pe-
trum, Paulumue Romæ, sed Ierosolymis occidione
extinctos desuisse. Sic & *Illyricus l. contra Primum
Papa. &c.*

CALVINVS *Inst. 4. c. 6. §. 15.* cum rem totam ef-
se dubiâ sibi ostendisse videbatur, ait, *Tamen pro-
pter Scriptorum consensum non pugno, quin illic mor-*

*tuus fuerit; sed Episcopum fuisse, præsertim longo tem-
pore, persuaderi nequeo.*

Similia Magdeburgenses *Cent. 1. l. 2. c. 10.*

PAPISTA. 1. Petrum prædicasse
Romæ docet ipse, *1. Pet. vlt.* ex Babylo-
ne, sc. Neroniana Christianorum per-
secutione scribens.

Item Paulina ad Romanos à solo Pe-
tro Christianos factos testatur, quod
multi fuerint ibidem ante, quam Paulus
isthuc adueniret.

2. Docet idem nouitius is error con-
trarius, sub annum 1400. coortus: qui
fateretur ipse, omnium retrò consensum
atatum & scriptorum sibi semper con-
stitisse de Petri in Vrbe urbium Papa-
tu. Vide meum *Luthero-cal. p. 2. q. 8.*

QVÆSTIO II.

*An Iure, & quo succedat Petro Episcopus
Romanus in Pontifi-
catu?*

HÆRESIARCH **NILVS**, Episcopus Theſſal. et
Hæreticus primus Romanum Pontificem Petro suc-
cedere in totius Ecclesie Regimine; sed in
Romano solum Episcopatu. Hic tamen postmodum
ex Concilijs accepit Primum inter, & super Cœpi-
scopos cæteros.

LYTHERANI iuxta & **CALVINIANI**, cæteriq;
hæretici omnes nuperi totum pernegant, sc.

1. Quod Iure Diuino debeat Petro aliqui
succedere.

2. Quod successor is solus Rom. Pontifex ef-
se debeat; non alius.

Ita Lutherus, *Illyr. Synodus Smalcald. Mag-
debur.*

Calvinus Inst. 4. cap. 6. 7.

**PAPISTA. De Successione post Pe-
trum Iure diuino debita vide meum
tichristum p. 2. q. 4. Et Luthero-caluin. p. 2.
quest. 9.**

Solum

Solum vero Pontificem Romanum succedere Petro debere est de Fide certa: & forte de Iure diuino. Quia Quicumque Petro succedit, accipit à Christo Pontificatum Petri: (Christus enim Instituit vt perpetua esset in Sede Petri Successio Iure Diuino.) Atqui Rom. Episcopus succedit Petro, accipitque à Christo Pontificatum Petri: Petrus n. Romæ sedem fixit: & fortè Christi iussu. Ergo Rom. Episcopus Petro simul in Pontificatu succedit pari Iure: quod in Pontificatu, diuino: quod Romæ ex Petri facti diuinitus mandat. Vide meum *Luthero. cal. p. 2. q. 9. 10.*

Ita constat ex Traditione Apostolica; quam Concilia, orbisque Consensus declararunt.

II. HÆRESIARCH. Pontificatum Romanum descendere dicebant, præci hæretici, apud *Turrecrem. l. 1. c. 39.*

1. Ab Apostolis.
2. Nilus, à Conc. Generali Calcedon.
3. Marsilius V. Vicleff, Hus; à Constantino Magno.

LUTHER ANI Smalcaldici, Papatū prouenire à Cardinalibus electoribus.

LUTHERVS, à Carolo IV. Francia.
CALVINVS, in Græcos, à Phocæ; in Gallos & Germanos à Pipino & Carolo. Vide in *Luthero. c. p. 2. q. 11.*

PAPISTA. Pf. 118. *Narrauerunt mihi iniqui fabulationes: sed non vt Le. tua, Christe, Tua vox est: Mat. 16. Ego dico tibi, Tu es Petrus, & super banc Petram. &c. Tibi dabo Claves. &c. Mat. 18. Pafce oues meas. Confirma fratres tuos. &c. Quodcumque ligaueris. &c.*

Ecce immediate à Christo omnis Potestas absoluta est Pontificia.

QVÆSTIO III.

A quo possit indicari Papa?

HÆRESIARCH. I. Marsilius de Padua, teste *Turrecrem. l. 4. de Eccl. p. 2. c. 37.* ab Imperatore.

2. Nilus: ab Concilio generali etiam deponi. Sed damnatus vterque est.

LUTHERO-CALVINISTÆ cæterique hæretici nostrates affirmant vtrumque, & multis propugnare nituntur argumentis, sed vanis, apud *Bell. l. 2. de Pont. c. 26. 27. 28.*

PAPISTA. Pastor Orbis & Summus Princeps a Deo solo datus; Sedesque Petri supra Petram Christum à Christo solo posita *Prima, à nemine iudicatur*, proclamatur *Conc. Sinuess. Distinctius Cōc. Rom. sub Syluestro, 280. Episcoporum: Neque ab Augusto; neque à Regibus; neque ab omni Clero iudicatur Prima Sedes.*

Quid ergo? *Conc. V. sub Symmacho. Aliorum hominum causas Deus voluit per homines terminari; sed Sedis istius Præsulem suo, sine questione, reseruauit arbitrio.*

2. Idem docent testimonia Pontificum:

3. Confessio Imperatorum.

QVÆSTIO IV.

Sitne Papa Iurisdictio coercitiua, ut possit condere leges, obligare conscientias, punire transgressores?

HÆRESIARCH. Negarunt olim VValdenses, teste *S. Antonino p. 4. tit. 11. c. 7. 5. 2.*

Item Marsilius de Padua, V. Vicleff, Hus, &c.

LUTHERVS I. de Capt. Babyl. de baptismo; Melanchton; itemque Caluinus negarunt idē. Vide *Luthero. c. p. 2. q. 19.*

PAPISTA. At affirmat Christus in meo Antichristo *p. 2. q. 6.*

Affirmat & prophetica, & Apostolica Scri